

TE VEA NO TAIHITI.

Te faa'ia toa, e ore te Pavana e te hanava, o tei hanaaro i te hore hohoa o tei enei na, aufau mai na e farane no na avae e loru.

Faa'u mai ia Tepito te nei parau i Papeete.

Ei haaparare raa i te parau rii api e faufaa hia i to te ma enua i roto i te Hau Tamaru; e nei i te mau mahana maha toa.

O te feia hana toa, e te mau taata e haapao i te tau ean toa, e ta i ia hore i atoa hia ta ratou mau ran faite i roto i te u'lea, ia aufau mai ratou i farane no te reu hore.

Faa'u mai ia Tepito te nei parau.

PAEAU PARAU NO TE HAU.

FAATOROA RAA.

No te faatia raa a toa hanahana Pomare, te arii vahine o te mau fema Totaiete, e te Tavana, te Auvaha o te Emepera.

Ua faatoroa hia teienei feia i faaite hia i muri nei, oia hoi:

Tainanu, ei orometua no te matacinaa ra o Papeuriri, ei mono ia Motuutu, o tei faaore e hia na te toroa.

Tematua, ei orometua no te matacinaa ra o Paea, ei mono ia Taru, o tei iriti rii hia mai te tōroa i mutaaenei.

E aufau te Tavana, te auvaha o te Emepera, na teienei feia toroa, ei utua no to ratou toroa, i na farave ta piti hanere e e maha ahuru i te nfaahiti hoê.

O Toano, Hoire, e o Teoni, tau mutoi tauturu no te matacinaa ra o Papeete, ua faariro anae hia ia ei mutoi niau.

E aufau atu te Tavana te Auvaha o te Empera nateienei feia tōroa, ei utua no to ratou ra toroa, i na farane tai Toru hanere e e ono ahuru i te matahiti hoe.

E papai hia te hohoa o teienei mau parau toroa i te hiopoa raa, e i te fare toroa note EE.

Papeete, te 1 atopa 1853.

Te Arii vahine o te mau fema Totaiete,

Te Tavana, te Auvaha o Emepera,

Papaihia: POMARE.

Papaihia: PAGE.

Papaihia te hohoa i te fare toroa o te eê,

Te eê o te Tarana,

Papaihia: BRIOT.

PARAU FAATE.

Te faa ite atu nei te EE o te Tavana i te feia toroa toa o te mau matacinaa i te tubaa i ropu, e to Moorea toa hoi, e ei te mahana piti i mua nei, te toru o Atopa, e aufau hia tu ai ta ratou moni toroa, no na avae ra Jiurai, Atete, e e tema. E haere paatoa mai te feia toroa i taua mahana ra e tiai.

Papeete, le 26 no setema 1852.

Fe EE o te Tavana.

Papaihia: BRIOT.

APOO RAA IRITI RAA TURE.

Mahana 4 no Tiurai 1853.

Peretiteni raa no Tairapa.

teienei ra, ia haapii maite tatou i ta tatou mau tamaru, ia faa-

tia tatou i teienei ture, ei reira ia tatou e haamaitai hia i amuri atu, na te ite hoi o te tamaru e faaite i to tatou loa i te mau oi amuri atu. Ali ra te patoi, e faatia papu mai ra e maitai ai. Ua na reira toa mai hoi o Papa, Arahū, Paioe e o Maru.

Piapa. No rapae au e tena ta outou e haamatautau mai nei, ta outou e faatai avai mai nei i te aan. E ere tena i to roto i te ture. Ore poa' tu a hoi te hau te haapii i ta'u mau tamaru, te tii uoa mai nei a oia ia ratou ei faehan. Tahia ta'u parau, e vaiho na te hau e aufai.

Anutere. Too ono atoa au tau tamaru, e ore roa' tu ra vau e tei-aha noa'e i teienei moni; e te huna'ro atoa nei au, e ei orometua tahiti mau a te haapii i ta'u nei mau tamaru. E ia hope te mau ite o tana orometua tahiti ra. Ia tuu hia hoi na te papaa e haapii ra, i han re ia te moni e pau i te aufau raa' tu na taua orometua ra. i teienei ra, e rave tatou e faatia i teienei ture. Ua na reira toa mai hoi o Teran.

Faatia roa maira to te Apoo raa i te irava hoe.

Ote. Ua taio maira i te irava 2.

Mare. Ahiri paha i parau atoa hia e, e papai papu te haava i te rahi raa o taua moni ra. E ei taata e atoa paha te maiti ei mau i teienei moni, eiaha te haava.

Briot. E papai maite hia te rahi raa o taua moni ra. Te mana atoa nei hoi en e, ei te haava mau a teienei ohipa. Mai te mea hoi e, Aitai tia taua moni ra i te Aai raa hia mai, e maitai ia ia tapea i nia i te moni toroa a taua haava i huna ra.

Faatia hia tura te irava 2 o taua ture ra.

Faatia toa hia tura te irava 3, te 4, e te 5, o taua ture ra ma te parau ore.

Ote. Ua taio maira i te irava 6, « no te haava raa e te faautua raa i te feia metua e patoi mai e e ore e aufau i te moni no te haapii raa. »

Piapa. E horoi e atu i te haava raa, eiaha roa' tu ia e faa'o hia mai i roto i teienei ture.

Briot. Ia ore hoi ia faautua hia ra, eiaha fa e aufau mai ai? No reira i parau hia i e, ei ore i aufau ra e haava ia, mai te mea hoi e; e oromatua maua tetahi ra, na te matacinaa ia e faaore atu i tona toroa. Ua na reira toa mai hoi o Mairoo.

Piapa. E na hea ra te mau potii faaturi, e io a ia i te haapii raa?

Peretiteni. Ia hoe ahuru ma maha matahiti to te potii e faatur ai i te haapii raa. Ia tiru ra te metua e e tono a, e tia noa ia iana te na reira. Ia faaturi hoi hia ra, e tamata ia tatou i te faahoi faahou iana na nia i te aratia maitai, ia ore ia na reira faahou.

Paele. E haava toa i te orometua haapao ore, e tei ore i haapii maitai i te tamaru. E rave toa i tetahi irava no tei reira.

Ote. Ua taa tei reira parau, te ore oia ia haapao maitai ra, na te matacinaa ia oia e faaore.

Faatia roa hia tura te irava 6. E i muri ae, ua tamata hia te tia raa o taua ture taatoa ra, na nia i te popo, e teie te hopea o taua tamata raa ra.

Iriti ture i ta mai. 84

Popo mono no te faatia 81

Popo ereere no te faahapa 3

Rira, roa tura taua parau ra ei ture.

Arahū. Ua taio mai i te hoe pure ture, « no te haava raa e te faautua raa i te mau haava toa e rave mai i te moni, ei tarahu ia ratou i te rave raa i ta ratou ohipa.

Faatia tura to te Apoo raa e e tun i roto i te rima o te komite.

I te hora 4 i opani hia i te Apoo raa.

APOO RAA IRITI RAA TURE.

Apoo raa i te mahana 5 no Tiurai.

Peretiteni raa no Tairapa.

I te avatea i afai i te Apoo raa. Te ohipa i haapao hia no teienei mahana, o te parau ture ia i tuu hia mai e Arahū, no te haava e te faautua raa i te mau haava, e faai i te taao, ei tarahu raa mai ia ratou, e e faatia i tahi pae, e aore ra i te hi pae, o na taata i horo mai iana ra. Tei ia Ote te parau, te auvaha o te komite.

Ote. Ua taio maira o Ote i taua parau ture ra, mai teie i muri nei te huru:

E ture no te haava e rave i te taao tarahu.

IRAVA 1.

Te mau haava e te haava tauturu e faai mai i te taao e hopoi hia tu ei tarahu iana i te rave raa i te ohipa o tona toroa; e faautua hia ia i te utua faano, e ore roa e tia iana ia mau i te toroa i roto i teienei hau; e faautua toa hia i te utua moni, ia piti ae te rahi raa i nia i te taao tarahu i faai hia mai e ana, eiaha roa ra taua utua ra, ia iti

hōe hōe hanere farane, te tūha hia mai teie i muri nei te huru, hōe hōe tūfaa na te hau tūfaa na te tavana mataeinaa, hōe tūfaa na te mau imi-roa.

IRAVA 2.

Tāna haava i pari hia i te tāua tarahu ra, na te mau haava ia e te toohitu o te tūfaa a haava iana.

IRAVA 3.

Te feia e tarahu e te tamata atu i te tarahu i te hōe haava, hōe a ia huru tana utua e ta te taata i tarahu hia.

IRAVA 4.

E ore roa tāua mau tūa ra e faahoi hia tu i tāua taata i tarahu mai ra, e rave hia ra e te tūha hia mai tei faaite hia i te irava hōe nei.

IRAVA 5.

Te feia e pari haavare noa i te hōe haava i teienei hāra, e haava hia ia e faautua hia i te ture XVII (ā) na te haava e faamu maite i te huru o te utua e te hāra i paribia i nia i te ture XXXI, o teite haavare.

E i muri ae, ua taio faahou maira oia i te irava 1, e ua tuu maira ei imi raa na te Apoo raa.

Paraipua. E ture maitai roa teie i to'u nei hio raa; te manao a-tua nei ra vau ē, ia afai hia mai te tarahu i te haava ra, e rave mai iaola, e a tae i te mahana haava raa ra, a faaite mai i mua i te aro o te taata toa. Raverahi hoi te huru o te tarahu, te moni, te puaa, te ia, etc., etc. I teienei ra, ia itea hia te hōe haava, e ua rave mai i tāua mau taou tarahura, e haava hua ia, e e faautua, e maitai ai. Ua na reira ' toa mai hoi te parau a Peue, a Papa, e a Nuutere.

Papa. E mahere paha i te huru iti roa te ohipa fenua a te haava i teienei anotan, no te mea hoi, te komite haere hia nei te fenua i teienei.

Tairapa. E ere teie e no te rave raa fenua auae ra, no te mau ohipa ' toa ra e afai hia ' ta i te haava ra.

Porai. E nahea ra te ahi maa rii ia rave hia mai na te haava e te feia toroa. Eiaha ' toa ia e rave mai i te reira? Mai te mea hoi e, ia ta hia ' tu te Toohitu ' ei rave i te hōe ohipa ra, aita paha ia e ino ia faamu atu iana i te maa.

Mare. O te manatā a e afai hua hia i te haava ra tei faaore hia. Aea ra te ahi maa, o te rave hia i mua i te aro o te taata ' toa, aita ia e ino i te reira.

Maatia maira to te Apoo raa ' toa i te irava 1, e ua faatia ' toa hia hōe irava 2, te irava 3 e te irava 4, mai te parau ore.

Taio hia maira te irava 3 o tāua ture ra.

Paraipua. E vahi tia ore roa, mai te mea ē, ia pari haavare haere noa hā te mau haava. I ton nei hoi manao, e faautua hua ' tu ia i tāua feia pari haavare ra e tia.

Ole. Aia paha o Paraipua i taio noa'e i te ture XVII, i maua'i oia i nia i teienei ture: Ahiri hoi oia i taio papu ra, oi ite ia oia ē, te aufau hia nei te utua na te pari haavare hia.

Maatia roa hia maira tāua irava 5 ra. Ei muri ae ra, ua tamata hia ihora te tia raa o tāua ture taata ra na nia i te tapopo raa, e teie te hōpea:

Iriti ture i tae mai.	91
Popo uono no te faatia	90
Popo ereere no te faahapa	1

Faatia roa hia ' tura tāua parau ra ei ture.

E i muri aera, ua taio maira te ēē o te tavana i teienei parau i muri nei, o tei tuu hia mai i roto i tona rima, e te Tavana, te Auvaha o te Emepera.

Te parau a te Tavana, te Auvaha o te Emepera i te opani raa te apoo raa iriti raa ture.

E hōma, e te mau iriti ture,

Ua tae aenei i te hora no te faaoti raa i ta outou na ohipa. Te haamaururu atu nā i au ia outou, no to outou na tauturu raa mai to'u nei hau, i te imi raa i te mea e maitai e i te tauturu raa mai hoi ia'u i te faatere raa. Ua tapao hia ta outou na mau ohipa i te paari, te manao pabu i te fau fenua, e te haapao rahi i te mau ohipa toa e maitai ai te taata nei. Te vai atoa nei rā te hoemaa ohipa rahi, te au ia outou ia rave. Ua faatia aenei outou i teienei mau ture mai te ha nahana, ia hoi atu ra outou i to outou na mau mataeinaa, e haapii atu outou i te mau taata i te auraro mai e te haamana mai i tāua mau ture nei. Faaite atu ia ratou, e tei te haapao i te ture, te maitai o to ratou fenua. E mea tia roa ' te mau taata no te Tuamotu, ia manao maitai iho i teienei vahi: ua ō hua mai nei te mau taata no te mau fenua Tuamotu ra i roto i te fetii rahi tahiti nei, ua riro te ture no Tahiti ei ture no te Tuamotu. E tūfaa to'i ta to ratou ra mau fenua i roto i te rahi o Tahiti nei; te parare

haere ra tona maramaramaia ia iho ia ratou. Te riro te ratou nei mau iriti ture ei hio raa na ratou, atahi aenei avae i pohe e vachaa i to ratou parahi raa mai i rotopu ia tatou nei, mai te farii maitai hia ' tu e tatou; e o to ratou anae ra maitai ia tatou i hinaaro; e hōe ahuru to tatou aroha ia ratou e to te mau taata i te mau fenua fō-taite nei.

Ia aratai maite hia outou e te Atua i roto i to outou na mau mateinaa; e mai te mea, i tia i te atua i te tamata mai ia outou, na roto i te ati, e haamanao maite iho outou, e te vai nei to outou ture raela i etoto iaunei, e ia tahoe maite to tatou hinaaro, outou e o vau; e e au ia tatou te tauturu maite te tahi i te tahi, ia roa te hana-hana rahi no to tatou nei fenua: ia rahi ae to Tahiti maitai i to te mau fenua toa.

Te opani nei au i teie nei apoo raa iriti raa ture, no teienei matahiti 1853.

Te mau pahi i tapae mai, mai te mahana 21 mai a no setema.

Tira piti no Bora-Bora o *Patea*, tapena Parkinson, mai Maupiti mai.

Tira hōe no Huahine o *Repe*, tapena Haere, mai Huahine mai.

Tira piti no Bora-Bora, o *Messenger*, tapena Vautrety, mai Raiatea mai.

Tira piti no Bora-Bora o *Emily-Hort*, tapena Sustenance, mai Maareva mai.

Tira piti Farani o *Marie-Louise*, tapena Mana, mai Papara mai.

Te mau pahi i reva.

Tira piti Farani o *Josephine*, ua reva i Maareva.

Tira hōe no Huahine o *Repe*, na reva i Huahine.

Tira toru Marite o *Java*, ua reva i Marite.

Te ee no te Tavana : BRIOT.